

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghgyau Swvu Veijyenzei

Okbanj: Gvangsiah Minzcuz Bause

Geiz neix 8 banj

广西民族报

Aenhauhokbanj: CN45-0036

B.2022

Nd.3 Ng.2

Liggaeuq nvaemzvinz nienz ndwencieng samcib

Geizsoq: Gungh daih 3513 geiz

Swcigih Dangj Cwng Ginh Lingjdauj Caeuq Soujfuj Gak Hangz Daibyauij Doxcaez Camgya Yivu Ndaem Faex Hozdung

自治区党政军领导和首府各界代表一起参加义务植树活动

Youh daengz binaengz seiz ndaem faex. 2 nyied 26 hauh, Swcigih Dangjveij suhgi, Swcigih Yinzda Cangzveijvei cujyin Liuz Ningz, Swcigih Dangjveij fusuhgi, Swcigih cajsiz Lanz Denhliz, Nanzbu Cangih Luzginh swlhingyenz Cangh Gen, Swcigih Cwnghez cajsiz Sunh Daveij, Swcigih Dangjveij fusuhgi Liuz Siujmingz daengj swcigih dangj cwng ginh lingjdauj, caeuq soujfuj gak hangz daibyauij doxcaez camgya yivu ndaem faex hozdung.

Banhaet 9:30, Liuz Ningz daengj vunz bae daengz Gvangsiah Gauhfungh Swnhlinz Gunghyenz dieg youq baihbaek Nanzningz Si, daih'it dingq le gij bauqlwnh daengx gih hwnqguh ndaem faex, ndaem faex ndaem nywj hawj diegnamh bienq heu

daengj mizgven cingzgvang, riengz-laeng dawz fagso bae daengz dieg ndaem faex, caeuq ganbu cizgungh, sausen h duiyenz doxcaez nyaengq-foedfoed. Fuz cingq lwgfaex, gvak namh, lumx namhmoq, rwed raemx..... Caezgya caemhrendz ndaem roengz doengh go faexbizdauz, faexdezlimuz, faexhojyen daengj.

“Gvaq geij ngoenz couh daengz gingcaet, cingq dwg seiz ndei doenghgo dok ngaz, ndaem faex cauh ndoeng.” Liuz Ningz caeuq ganbu ginzcong youqciengz naeuz, lingjdauj ganbu daiqdaez yivu ndaem faex, mboujdan dwg hengzguh gij hengzdoengh saed-saeh swnghdai vwnzmingz swhsienj Siz Ginbingz, hix dwg yienh'ok aen gietsim cauhlaeb aen Gvangsiah gyaundeiz caeuq dieg ak swnghdai

vwnzmingz. Raeuz aeu geiqmaenh vahdaengq “gijndei swnghdai Gvangsiah gim mbouj vuenh” Siz Ginbingz cungjsuhgi, sonyinx daengx gih gyoengq ganbu ginzcong doxcaez camgya ndaem nywj ndaem faex hawj diegnamh bienq heu, caezcaemh rapdawz mbaq rap henho h ndei bya dah Gvangsiah, laebdaeb cauh aen vanzging huzndei bya gyaau raemx gyaau vunz gyaau swnghdai gyaau, roengzrendz doidoengh hwnghat saek-heu hamjok yamqdin moq. Swnghdai vanzbauj leixniemh aeu daj iq hag, maqmuengh gyoengq lwgnyez ciengx-lwenx cingsaenz hoenghhwd, lumj lwgfaex nei majhung maenghswd, ngoenz sang gvaq ngoenz, caemhcaiq doenggvaq gag doengh fwngz ndaem faex, lumx namh, rwed raemx, daj iq

nyinhrox gofaex go'nywj gova hix miz sengmingh, guh boux veisw iq henho h swnghdai, majhung le yungh song fwngz bonjfaenh hwnqguh guekcoj caeuq mbanjranz engqgya gyaundeiz bae.

Geij bi neix daeuj, Gvangsiah haeujlaeg saedhengz aen gunghcwngz cauh ndoeng bienq heu “Betgveiq heuswd”, “cibsam haj” geizgan gyoebesuenq ndaemfaex cauh ndoeng 1735 fanh moux, yivu ndaem faex 4.1 ik go, vunz cauh ndoeng najdieg, doenghgo swnghdai caetliengh youq daengx guek daihdaez, ndoengfaex cwgoemq cingzsoq, baenzfaex ndaej cienz, ndoengfaex swnghdai fuzvu gyaciz baujmaenh baiz daengx guek baihnaj.

(Vei Hwngz Lanz Fungh)

Haihag Denlij Angqyangz Lai Gangj Coenzvah Minzcuz Baiqcieng

开学典礼欢乐多 民族语言拜大年

2 nyied 25 hauh banhaet, Lungzswng Gak Cuz Swciyen Lungzswng Cin Daihgeih Siujyoz banh aen haihag denlij haggeiz seizcin 2022 nienz nem hozdung saedguh vwnzmingz seizdaih moq. Hozdung yienhciegz, hagseng daenj buhvaq minzcuz hwnjdaiz, faenbied yungh coenzvah minzcuz bonjfaenh coh caezgya baiqcieng, doengzseiz lij guh baez “lauxsae iq” ndeu, son gyoengq doengzhag hag vah siujsoq minzcuz. Hozdung doenggvaq yienj heiq ndaw sawsonhag, hawj hagseng rox lizsij dangj, gyo' mbaiq aencingz dangj, insik ndwenngoenz vuenyungz seizneix. Ndawdoz dwg hagseng gangj vah minzcuz baiqcieng.

(Fan Cenyiz ingi)



Langh Cozyez Miz Daegsaek

展特色作业

Vih caenh'itbouh haeujlaeg guh hong “song gemj” caeuq “haj hangh guenjieix”, 2 nyied 24 hauh, Sanglinz Yen Minzcuz Saedniemh Hagdangz guh aen hozdung langhbaij hanzgyaj cozyez miz daegsaek aen cawjdaez “duzguk vifung”.

Baezneix gungh langhbaij coz-binj maenhndei 140 fuk, ndawde

baugvat it nienzgaep “ceijdangz bienq ndang”; ngeih nienzgaep “cauh'eiq gou ceiq ak”; sam nienzgaep “gya faenh saekheu hawj ciengmoq” caeuq seiq, haj, roek nienzgaep vehveh seiq senj it minzsuz vehcieg, doiqcieg, daet vacueng, “gou vih Baekging Dungh'auvei gyayouz”. Doenghgij cozyez yiengh cauhamoq miz daeg-

Gvaq Gyajgeiz Miz Yinxdaeuz

享假期精彩

diemj, cozyez yiengh saedguh damqra miz daegsaek, cozyez loih yungzhab hamj yozgoh cauh'eiq lailai, gij laeb-laeng son'gyauq dajveh miz laiyingh, miz daegdiemj, miz cengca, cigsoh daengz dieg doeklaeng son vunz, buenx hagseng vuenyungz majhung.

Ciuq cam rox, aen hagdangz neix binaengz genhciz daj vwnzva yozgoh,

yidij yozgoh, cunghab saedguh roengz fwngz, guh mbaw dan gyajgeiz cozyez miz cauh'eiq, hawj hagseng youq ndaw angqyangz hag, youq ndaw hag majhung, hawj lwgnyez bouxboux cungj ndaej gvaq aen gyajgeiz laiyingh, cungcuk youh miz yiye ndeu.

(Dwng Lingz Dangz Gijbinh Lij Lanzyen)